

Fögl d'infurmaziun per scolaras e scolars


Il pled clev sgür

Tar bgeras paginas d'internet as stu fer ün nom d'utiliseder ed ün pled da clev, per cha's possa druver lur servezzans (mail, accumulatur online, plattafuorma da fotografias, eui). Sün quistas paginas u plattafuormas vegnan arcunedas datas da te cha tū voust e stust proteger da l'access dad oters.

Üna noscha protecziun da crackers¹ spordschan plects da clev, chi haun da chefer cun te sves. Que paun esser tieu nom e ti'anneda u tias inizielas. Medemmamaing nu spordschan plects da clev üngüna protecziun sgüra, chi consistan da plects chi vegnan avaunt in dicziunaris. Crackers examineschan quels plects cun computers.

Crackers paun però eir sfracher plects da clev, chi haun be poch segns. Els drouvan computers cun bgera forza, chi examineschan cumbinaziuns da segns da tuottas sorts. Scha tū integreschast cifras, custabs grands e pitschens, scu eir segns speciels, alura s'augmanta il numer da pussibiliteds ed il hacker drouva bger dapü temp per chatter our tieu pled da clev.

La seguainta illustraziun muossa, che pussibiliteds cha tū hest, per augmanter la sgürezza da tieu pled da clev.



Ün'alternativa per ün pled da clev üsito spordschan segns characteristics biometrics, scu per exaimpel l'impronta dal daunt u il muoster dals ögls (scan da l'iris). L'annunzcha cun ün segn characteristic biometric drouva però üna hardware, chi dispuona da l'apparat da ler correspondent.

¹ Crackers sun personas chi prouvan da clapper access a plattafuormas sainza permiss. Ellas prouvan dad ingiuviner tieu pled clev. Suvenz vegnan ellas numnedas hackers, ma que es fos.